**捣藻堂四庫全書** 

音薈

要

史部

欽定四庫全書着要史部



詳校官員外即臣潘紹觀

飲定四庫全書舊要卷九千五百九十九史部 宮物類之象其伏見早晚邪正存亡虚實廣陸孟 外官凡一百十八名積數七百八十三星皆有州國官 漢天文志曰凡天文在圖籍昭昭可知者經星常宿中 文獻通考卷二百七十八 ושא על דבי פ ויי 鄱 中宮三垣 易 馬 端 文獻通考 醅 出見 與 著 八見早日

背交月 薄 經幸芒同星也謂晚 而無食之昭相舍相潤恒謂 护食光星張為日及也去陋星五 作鍋 珥 曰曰流晏歷自也散遠若不星 |薄薄|星日|突下|陵五|近三|見也 | 明 | 韋京 | 也彗掩往|相星| 也台|虚日 讀氣|黑孟|昭房|孟所|為觸|胃有|及|實月 日向之東日易康以凌之過變 五 若五 酱日愛日氣傳日除星日也則星 天星 端也也計住日飛舊相犯食精 所 牢不 & 蛛珥背日與日絕布擊居星散 行星道 實為 謂形形旁之月迹新為其月為合 之點如氣為亦而也關宿相袄散 則那 重黑背也薄黄去李也曰凌星 犯 囚存 表也字適虧為流氣 守不也 守多謂 云如也日毀薄光似 彗見犯 陵虚列 雄淳穴之曰或迹彗 李 者五 歴 則宿 為日多將食日相飛飛 則寸關 開不 重量作食也不連流流 所以食出虧 雌請儲先 量 也謂 日食內日孟之也 為日其有 適 日飛 月 也光合康屬亡

晉天文志曰張衡云文 是也日者陽精之宗月者陰精之宗五星五行之 星列布體生於地精成於列 政失於此則變見於彼 聖變氣此皆陰陽之精其本在地而上發於 而福至自然之符也 以明君覩之而寤 抱日 為為 曜 有 之以通 麗子天其動者有七日月 氣旁 筋身正事思其咎謝其過 插景之象形 列居錯時各有攸屬在 鐍在 ソ郷之應聲 抉旁 傷如 四星以為定紀今畧其昭昭者以備天官云 咸三家所著星圖大凡二百八十三官一千四百六十 官常明者百有二十四可名者三百二十為星二千五 不然何得總而理諸後武帝時太史令陳卓總甘石巫 野象物在朝象官在人象神其以神差有五列馬是為 百微星之數蓋萬一千五百二十無物蠢蠢成得緊 三十五名一居中央謂之北斗四布於方各七為二十 八舍日月運行歷示吉凶五緯纒次用告禍福中外之

欽定四庫全書

第三之宮庶子居第一號日為太子四為后宮五天極 東邊大贊府門西喚作一少丞以次却向門前數除德 中元北極紫微宮北極五星在其中大帝之座第二珠 易兩相對少宰上輔次少輔上衛少衛次上丞後 宫 極紫微宮 當門路左極右極夾南門兩面營衛一十五上率 庶第 子最小第五天之三明者帝之居第 į 該通考 樞四 明 左右四星是四輔

之下曰三公太尊只向三公明天牢六星太尊邊太陽 傳舍如連丁垣外左右各六珠右是內階左天厨階前 并杠十六星杠作柄象華蓋形蓋上連連九箇星名曰 門裏兩黃聚尚書以次其位五女史柱史各一户御女 六星六甲前天呈獨在勾陳裏五帝內座後門是華芝 兩星右極對文昌手上半月形希缺分明六箇星文昌 四星五天柱大理兩星陰德邊勾陳尾指北極顛勾陳 八星名八穀厨下五箇天格宿天床六星左樞在內厨

第四名權第五衛開陽搖光六七名 是太陽一星圆昌之下三師名 之守四勢前一箇宰相太陽側更有三公相西邊即是 扎斗之星七宿明第一主帝名樞精第二第三璇璣是 其所而衆星共之第一星主月太子也第二星主日 天之樞也天運無窮三光选耀而極星不移故曰居 極五星在紫微宮中一名天極一名北辰其級星 星圓天理四星斗裏暗輔星近著開陽淡云本 天天 理牢 四六 星星 丰四 裹勢 暗前 明東有二公相 陽西

欽

定四車全書一

文献通文

星在紫宮門右星之南天帝之神也主戰關知人吉 則憂抱極樞四星曰四輔所以輔佐北樞而出度受 星庶子也北極五星最為尊也中星不明主不用事 帝王也亦為太乙之座謂最赤明者也第三星主五 極張衡云二星並為後宮北極五星明大則吉變動 右星不明太子憂也其第四星為后宮第五星為天 也張衡云抱極之細星也為輔臣之位主赞萬機 而明吉大明及芒角臣逼君暗則官不理天乙一

灾至日本公告 旗星直天子出自將宮中兵張衡云紫微垣十五星 垣一曰天營一曰旗星為藩衛備藩臣也宮闕兵起 微大帝之座也天子之常居也主命主度也一曰長 微垣十五星其西蕃七東蕃八在北斗之北一曰紫 合萬物成人主吉不然反是太乙占與天乙畧同紫 也張衡云天乙逼間闔外其占明而有光則陰陽和 凶者也太乙一星在天乙南相近亦天帝神也主使 十六神知風雨水旱兵革饑饉疾疫災害所生之國

文獻通考

東藩八西藩七其東藩近間闔門第一星為左樞第 藩開如門象名間闔門有流星自門而出四野者當 明則内輔盛也宫垣直而明天子將兵開則兵起西 星為少衛第七星為少丞皆以明大有常則吉若盛 第三星為上輔第四星為少輔第五星為上衛第六 丞其西藩近間闔門第一星為右樞第二星為少尉 為少輔第六星為上衛第七星為少衛第八星為少 二星為上宰第三星為少宰第四星為上輔第五星

钦定日車全書 一 右記君之過星明則史直解不明反是柱史北一星 微宮內尚書之西主施德者其占以不明為宜明則 臣之象其占與四輔不殊極東一星曰柱下史主左 振撫又分為二坐星矣門內東南維五星曰尚書主 新君践極隋志曰尚書西二星曰陰德陽德主周急 曰女史婦人之微者主傳漏故漢有侍史張衡云婦 納言夙夜咨謀龍作納言此之象也張衡曰八座大

有中使街命視其所適野而諭之也陰德二星在紫

大理二星在紫微門內次近陰德決獄之官星明則 宮門內華蓋杠左旁近東垣北隅法五行主晦朔畫 官也主記宮中之事其占與柱史同御女四星在紫 柱以示百司周禮以正歲之月六法象魏此之謂也 云建政教立圖法之府也常以朔望日垂禁令於天! 夜之職明正則吉人安陰陽調不然則可歷過隋志 內寵不明則否晉志謂之女御宮天柱五星在紫微 微宮內勾陳之北八十一御妻之象也其占明則多

六甲六星在紫微宮內華蓋杠左傍分掌陰陽紀時 實主御草靈東萬機神圖也其星隐而不見則為災 華盖下勾陳上斧展之象所以備宸居者明正則吉 衡云大帝所居之宫也亦将軍之象也星明則吉暗 下隋志云後宮也大帝之正妃也大帝之常居也張 節明則陰陽和不明則寒暑易節五帝內座五星在 則人主惡之勾陳口一星曰天皇大帝其神曰曜魄

刑憲平不明則冤酷深勾陳六星在紫微宫華蓋之

星在華蓋上近河賓客之館主胡人入中國容星守 變動則災凶隋志云客星犯紫微宫中座大臣犯主! 之備姦使亦曰胡兵起內階六星在文昌北天皇之 所以覆蔽大帝之座也明正則吉傾動則凶傳舍九 華蓋七星其杠九星合十六星在勾陳上正當大帝 子百官之厨也見吉不見凶八穀八星在紫微西藩 陛也明吉傾動凶紫微東垣北維外六星曰天厨天 之外五車之北其八星一主稻二主黍三主大麥四

飲定四庫全書 一 星正大吉君有慶傾則人主不安一云在宫門外聽 南角主六宫之内飲食府也一云主后夫人與太子 政之象也為寢舍也暗凶內厨兩星在紫微垣外西 天床六星當間闔門外主天子寢舍解息燕休之處 **禦難也不明則國兵起一曰主争訟明大凶小吉** 穀皆成暗則不熟一星不見則八穀不登八星不 則國人糊口天棓五星在女床東北天子先驅所 文献迫考

主小麥五主大豆六主小豆七主栗八主麻子明則

咎六曰司鬼大理佐理實所謂一者起北斗慰前近 內階者也明潤大小齊天瑞蘇張衡云其占黃潤光 司禄司中司禄賞功進爵五曰司命司怪太史主滅 飲宴居常無咎有犯守凶文昌六星在北斗魁前天 徙大臣憂金火守入兵興字犯國亂一曰文昌動則 明萬人安大小均天瑞降青黑細微多所害搖動移 二曰次將尚書正左右三曰貴相太常理文緒四曰 之六府也主集計天道一曰上將大將軍建威武次

欽定四車全書 守之三公有凶隋志曰杓南三星及魁第一星皆曰 東又三公星在北斗魁西並為太尉司空司徒之象 台之北貴威也巫咸云聖公之象居常為定不見則 主變理陰陽弱君機務其星移徙不吉居常安金火 下貴人之中也主行過禁暴淫與貧索同占太陽守 凶金犯守為災貴賤將敗者也天牢六星在北斗魁 三公宣德化調七政和陰陽之官也太尊一星在中 三公受誅后朔災福與三公同三公三星在北斗柄 文獻通考

佐帝王安邦國集衆事也明吉元戈一星在招搖扎 動與有星者為貴人下欲北斗七星輔一星在太微 非其常兵起明吉暗凶移徒大臣誅勢四星在太陽 西北刑餘人而用事者也不明吉明即閱官擅權相 星在北斗南隋志曰相者總領百官而掌邦教以 星在相西大將大臣之象也主戒不虞設武備也 類北斗魁中四黑星為貴人之年曰天理明及搖 曰天戈也芒角大而動則四夷兵起其占與梗河

光為星石氏云第一日正星主陽德天子之象也二 為天璇為地璣為人權為時王衡為音開陽為律搖 衡六曰開陽七曰搖光一至四為魁五至七為杓樞 又魁第一星曰天樞二曰璇三曰璣四曰權五曰玉 為玉衡又衆號令之主又為帝車取子運動之義也 四方以建四時而均五行也魁四星為璇璣杓三星 曰法星主陰刑女主之位也三曰令星主禍害也四 文啟通

扎七政之樞機陰陽之本元也故運乎天中而臨制

趙六主燕七主齊輔星附乎開陽所以佐斗成功也 木七主金又曰一主泰二主楚三主梁四主吳五主 有罪六曰危星主天倉五穀七曰部星亦曰應星主 怨上天下多訟法者無星二十日有輔星明而斗不 國昌不明則國殃斗旁欲多星則安斗中少星則人 兵又曰一主天二主地三主火四主水五主土六主 曰伐星主天理伐無道五曰殺星主中央助四旁殺 又曰主危正矯不平又曰丞相之象也七政星明則

新庆匹庫全書·

明臣强主弱斗明輔不明主强臣弱也杓南三星及 變色若不無四方不安夷夏則第七星不明或變色 桑不務稼穑峻法濫刑退賢傷政則第六星不明或 慰第一星皆曰三公宣德化調七政和陰陽之官也 若廢正樂務活聲則第五星不明或變色若不勘農 色若不爱百姓聚興征後則第三星不明或變色若 張衡云若廣管宫室妄鑿山陵則第二星不明或幾 發號令不明四時不明天道則第四星不明或變色 文献通考

新定匹庫全書 星多則天下不安人多怨一云小星多則天下安不 然則國人散五曜及客星守入皆凶字彗尤甚也 凡日月軍連環及斗月軍及搖動兵起其傍側中小 歌而於歌之後採諸家之言以備之今所載其前 星名數災祥叢雜難舉惟隋丹元子作步天歌白 則丹元子歌也後則夾於所取諸志以釋之者也 中有圖言下見象或豐或約無餘無失故特取其 右灰祭鄭氏作通志天文客言漢晉諸志所載諸

欽 定四庫全書. 星之末一度餘 儀測之洎皇祐中以銅儀管候之其不動處猶在掘 宋兩朝天文志舊說皆以紐星正樞機後祖順之立 無星處些子不動是天之極無北辰無星緣人要 軸處水車動而軸未嘗動 朱子語録曰北辰乃天之北極天如水車北辰乃 考訂尤詳故又撫其所未備者附見各段之未云 其說亦客備矣然宋史志所載近代諸儒之說則 文献通考 又曰北辰是那中

四 動 雨 極 北 狻 謂 只在 辰皆只說 朝天文志太子星去北 去只在管裏面不動出去向來人說 雞 之極 此 為 四星去天 動 星 Jk 而不覺令人以管去窺那 极不可無箇 辰邊 問 北 榧 樞 頭 星 極 各四度 動 不 而 老二百七十八 極星依舊 否曰極 動至水 記認 梴 所以就其旁取一 勾陳六星去極六度 星也動只是近那 朝人方去推得是北 十五度入心宿三度 動 極星見其動 at | 極便是

五度入奎宿四度 度入婁宿四度 三度半入奎宿一度 半入壁宿五度 二度半入危宿初 二度半入室宿六度 九度入尾宿十四度 華蓋七星杠九星距中大星去極二十 天皇大帝星去極八度半入室宿 五帝内座五星距中大星去松 度 之跃面号 御女四星距西南星去極 六甲六星距南星去極 尚書五星距西南星去極 天柱五星距東南星去極 柱下史一星去極十八度

쉷 星去極二十一度入亢宿一度 房 天己一星去極二十度半入亢宿一度半 定 一度 宿 · 紫微垣十五星其左縣樞去極二十七度半天床六星距西南星去極二十二度入氏宿二· 斗宿十三度 匹庫全書 典 大理二星距東星去極二十三度半入心宿五度 度 陰德二星距東星去極十九度入房宿二度 右驂 极去極二十一度入亢宿八度 女史一星去極十七度半入斗宿 内 厨二星距西南

巴日華白語 策一星去極三十三度半入壁宿五度 大星去極二十四度入危宿初度 閣道六星距南星去極四十八度入奎宿四度半 九星距西第四星去極二十八度半入胃宿五度 西南星去極二十三度入井宿二十六度 星去極二十四度入井宿二十二度 星去極十九度半入軫宿十一度 距西南星去極三十一度半入畢宿三度 文献通考 天厨六星距大 扶管七星距 内陷六星距 か 钩九星距 穀 傳含 南

¢

五度入角宿九度 第一星去極三十二度半入斗宿六度 摳 三師三星 天理四星距 文昌六星 三公三星距東星去極三十五度少入角宿 去極二十三度半入張宿十度搖光去極三十 天年六星距西北星去極二十八度半入 乖 距 東南星去極二十八度入翼宿 西 西星去極二十一度入張宿 輔一星去 南星 一去極 三十四度半入柳 極三十度入角宿 캬 初 宿

C 2.1 - 12 1. 15 1 宋中興天文志坎正北方也北極不於坎乾而於艮 距南星去極四十四度入箕宿三度 距大星去極三十二度半入民宿初度 同两朝志亦出入晉隋二史但此能言其去極若 干度某宿若干度為異耳 先公曰古今志天文者述天官星之名義大器皆 文 以 通考 天棓五星

張宿六度

天相一星去極三十三度入勢宿四度

勢四星去極三十一度入異宿二度

人槍三星

鱼质 萬 中又為天皇大帝非是按巫咸通元經寶鏡圖北 必經運適當其方次天道自然知者鮮矣此其辨 而七政則會其分為歷之元當七政會其分之時亦 推 四月在這一 於建牛之次然後用之為歷元謂建牛艮丑分野 以艮東北萬物之所成終而所成始也作 物成終成始之地也故北極則居其方為天之極 而上之以至於數千百載必得日月合壁五星連 極第二星最赤明者星圖謂之帝而勾陳口 歷者 極

**たとりもとき** 口中星為天皇大帝豈居其所非大而不居其所為 乎吾孔子所云此當辨北辰一星不為帝而指勾陳 其所衆星共者為帝而以從極之赤明者為帝則異 文獻通考

而志反以第五倒置之甚此當辨夫不以紐星之居

晉志謂北辰為最尊者是也孔子曰譬如北辰居其

所而衆星共之言於天象為至尊是於五星為第一

辨曰賈逵張衝茶邕王蕃陸續旨以紐星為不動處

五星句陳六星在紫極宫中雲宫一而帝二也此當

金牙四层百丁 按大象列星圖亦以一為太子二為帝王三為庶子 掘也第一星主月太子也第二星主日帝王也亦太 遂以為耀魄實此當辨志曰北極五星其紐星天之 以為主諸王五則以為主庶子核其說皆非是而未 乙之座謂最赤明者也第三星主五星庶子也非是 大乎口中一星即大帝之座不當遂指為天皇大帝 餘星則以為後官乾象新書所載傳言亦以一主 為太子二主日為帝王而三則以為主五行四則

7.1 ) red 2, des 星從端大妃光明二說大器相類然考之經觀之象 常居旁三星三公或曰子屬後勾四星末大星正如 則指三星為三公固不可而又以三星為子屬尤不 餘三星後官之屬也孝經援神契曰辰極横后如四 得分主五星而帝乃獨主日乎此當辨天官書前 有所主則主者惟帝耳太子何得分主月庶子又 志及春秋合誠圖曰中宮天極星其一明者太 文铁通号 ナメ

辨所辨者日月五星各分所主而非其義也藉会

鉑 大帝之正如也亦非是勾陳實主六軍大司馬巫成 富 後豈此又有三公乎所謂後勾四星勾曲 星曰三公內座 四 即旁二星耳太子一庶子一豈又有子屬乎宫南 匹庫在書 后 輔 且既以為三公文以為子屬何自二其說乎子屬 星也則言末大星正妃 妲 四星從端 大星為妃者固 杓 南三星及魁上三星曰三公三孤 大妃 光明 非 者皆 餘三星後宮之屬 而志則曰勾 非 是此當 陳後宫也 抱 辨 極 志謂 者

埞

為据其精北極星其神耀魄實太公望閱天書不証 是也而彼所指勾陳中一星為耀魄寶者非也故初 此當辨曰然則北極五星之辨如何聞之師云天極 者也次五曰庶子因知中宫帝當以孔子所稱北辰 日王天子護軍即不當以為後官又不當以為正妃 此其辨之二 紐星在四輔中者是為天皇大帝其神曰耀腿實此 一日帝次二日后次三日妃次四日太子乃其赤 41 also | W 歌通考

<u>ا</u>

5

文

無量行更易之制若用於臨安與天参合移之他往 中與更造軍儀而太史句令丁師仁言臨安府地勢 度有半此盖中原地勢之度數也 又曰極星之在紫垣萬神所宗七曜三垣二十八宿 必有差成於此罷議後十餘年邵諤鑄儀則果用臨 以儀象考測則中國南北極之正實去極星之北 泉星所拱是北極為天文之正中而自唐以來歷家 南於北辰極高下當量行移易局官日來言渾 月白言

盆

大微宫 元太微宫昭昭列象在蒼穹端門只是門之中左右 安北極高下為之以令清臺儀校之實去極星四度 清臺一遵皇祐所測無所更易舊史已具茲不復言 有奇馬若列星諸宿去極之度數與赤道之遠近則

内座於中正幸臣太子并從官鳥列帝後從東定部將

人計画方

**帅公肯傍五黑諸侯卿後行四箇門西主軒屏五帝** 

法門西東門首皂衣一褐者以次即是鳥三公三黒

雙雙微西居 虎 歃 堂布政官三箇靈臺侯雲雨少微四星西南 定 東一十五两 贫 四庫 微垣十星 德列宿受符諸神考節舒情稽疑也南藩中二星 居 衡 左右常陳郎 全書一 衛主平也隋志云又為天庭理 北門 侯 一在異軫 面宫垣十星布 府 西外 也其外藩九即也一曰軒 位居其後常陳七星不 北張衛云天子之官庭五帝之接三台與垣相對無兵災 左 右 執 對無兵 法是其数宫 法 轅 相 平解監升 為 隅長 誤 郎 權 垣

欴 定四車全書 曰上將 華東門也第三星曰次將其北東太陰門也第四星 東左掖門 11 史大夫之象也執法所以舉刺凶好者也左執 三星口次相其北西太陰門也第四星曰上相亦四 日上相其北東太陽門也第二星日次相其北中 西太陽門也第二星口次将其北中華西門也第 所謂四輔也西蕃四星南第一星曰上将其 也右執法之西右 文學通考 被門也東蕃四星南 法 御

曰端門東曰左執法廷尉之象也西曰右執法

刑 西 帲 見外國不賓 公北三星曰九 居 調 五星曰内 刑] 也張 者一星在太微 罰尤急月五星入太微 諸 衡云以 Б. 侯 服謁 諸 明屏四星在端門内帝座南近右執 卿 輔 侯 内座主治萬事與天紀同占九 者東北三星曰三公內座朝 内 内侍天子不之國也辟雍之 弼帝者其名與夾斗三公同 在 執 法東北主對賓客也 軌道吉其所犯中座 小會之 卿

輔

也東西蕃有芒及動

揺

者諸

侯謀天子也執法

THE IN THE BOTTOM 方星黑帝叶光紀之神也張衡云五帝同明而光則 四星夾黃帝座東方星落帝靈威仰之神也南方星 勢又曰太微五帝座小弱青黑天子國亡四帝內座 法屏所以擁蔽帝庭也執法主刺舉星明潤則君 動得天度止得地意從容中道則太微五帝之座 有禮黃帝內座一星在太微中含極紐之神也天子 赤帝赤熛怒之神也西方星白帝白招矩之神也北 以光黄帝座不明人主當求賢士以輔治不然則奪 文獻通考 明

星在幸臣西五帝座北 星曰幸臣主親爱臣明 何其出之所守之分則為天子所誅也帝座東北 不然則否金火守入太子不廢則為篡逆之事從 天下歸心不然則 在太子西 将是也大明芒角将恐不可當也完竟一星 郭 位東 北主從官不見則帝不安如常則 失位金火水入太微若 :16 ,則幸臣 儲 所以為武衛張衡云令左 武之星明 用 事微 而 潤 細吉太子 順入軌 則太子賢 古 官

欴 官 星如果 周官之元士漢官之光禄中散騎諫議議郎三署 定日車全書 中是其職也張衡云令之尚書郎也欲其大小 五星又云二十四星在帝座東北一曰依烏郎位 大微西蕃之外上相之西下台之南靜室旄頭之 光潤有常吉隋志郎位主守衛也其星明大臣有劫 也張衡云主侍從之武臣也與車騎同占常陳 動天子自出明則武兵用微則兵弱 狀在部位北天子宿衛虎賁之士以設强 献 迎考 郎 相 抄

星之次矣三台六星兩兩而居起文昌列招搖太微 曰中台為司中主宗室東二星抵太微曰下台為司 西近文昌二星曰上台為司命主壽次二星對 候災變也占與司怪同少微長垣二座星已釋在 主又曰客犯上其星不具后死幸臣誅容星入之大 也明吉暗凶明堂西三星曰靈臺主觀雲物察符 為亂明堂三星在太微西南角外天子布政之宫 曰天柱三公之位也在天曰三台主開德宣符

宋兩朝天文志太微十星右執法去極八十四度入 兵起彗李尤甚也 階上星為諸侯三公下星為卿大夫下階上星為 以所主占之君 以上下一曰泰階上階上星為天子下星為女主 下星為庶人所以和陰陽而理萬物也其星有變各 列相類 主兵所以昭德塞違也又曰三台為天階太乙 驯 君 臣 臣 和法令平不齊為乖度金火守入 和集如其常度張衛云色齊明

六十六度半入翼十一度半 星 五星 三星距東星去 展宿十二度半 西 距 南 大星 距西 謁 星去極 西星去 者一星 去 極 極極 八十度入翼十度 極八十四度半入軫六度 九去極八十三度入軫宿一度 七十一度半入異十一度 左 極七十度入彰一度 正極七十五度入彰七度 執 極 八十六度入較宿初 從官一星去 度 内五諸 卿 四 極 星 侯 庭

月五十

度 有 異十八度 度 紫宫 内 中興天文志曰 虎賁一 座 八十五度 也然、 常陳七星 何也日五帝常居 星去 卯] 郎 五帝 郎 極 距 太 将 位十五星 微垣有五帝座五帝内 東 六十二度少入真二度 文献通考 何帝也此志所謂 一星去 星 去 在大 距 極四十 極 微 西南星 五 而入朝 七度 一度 去 靈威 人半 乎紫宫故 半 極 仰 座又 軫 軫 赤 列 初

四度半入異八度半

幸臣一星

去極

六十六度

宫南太微五帝也此月令明堂所以分五宫 中宫天皇大帝也而宗祀文王於明 五帝何也五帝在天主五行 輔 含 樞 天皇者昔周公郊 紐 白招 粔 叶光紀之神也有天皇 祀 后 稷在 我以配天,也主五 堂以 嶽 斯 分方主 矣 配 1k 祀五帝 極 而 上帝 紫 又 有

鉝

定匹庫全書 一

卷

百七十八

天市垣

元一宮 名天市雨扇

垣

牆二十二當門六角黑市

四箇微茫宦者星以次两星名列肆斗斛帝前依其次 尼日車公馬 一 火木土并與金以次别有五行吟 座還依織女傍三光之象無相 是五星斛是四垣北九箇貫索星索口横者七公成 天市垣二十二星在房心東北主權衛主聚聚一日 恰似七公形數著分明多兩星紀北三星名 文獻通多 侵二十八宿隨其除

- 帛度兩星屠肆前候星還在帝座邊帝座一星常光

- 左两星是車肆两箇宗正四宗人宗星一雙亦依次

度其陽為金錢其陰為珠玉變見各以所主占之車 吉暗則市利不理也隋志市樓者市府也主市價律 肆二星在天市垣南門之內主車駕不明則國車盡 臣殺主彗星出為徒市易都容星入之兵大起出之 反是市樓六星在市中臨箕星之上主司閱閱明則 有貴丧張衛云天市明則市利急商人無利忽暗則 天旗庭主斬戮之事也市中星聚潤澤則歲實星布 歲虚裝感守之發不忠之臣又曰若怒角守之者!

参二百七十八

商人不欺暗則否屠肆二星在帛度東北主烹宰明 屬有變又日客星守之貴人死又曰宗正明則宗室 星之東宗室之象帝輔血脉之臣也客星守之宗人 和如綺而明正族人有序宗星二星 在宗人東北候 有我暗則國家山宗人四星在宗正東主錄親疎享 也彗星守之若失色宗正有事容星守動則天子親 行隋志主界賈之區宗正二星在帝座東南宗大夫 不和帛度二星在宗室星東北主度量明則尺量平

쉾 定 在天市 有 或云暗则大人不正張衡云帝座者帝王之座帝座 天庭也光 移 大 四庫全書 五一座 大則 則 剅 王不安居常則吉帝座一星在天市中候星 肆中多宰殺候一星在帝座東北主同 垣一座在 大人當其各官者四星在帝座西南帝傍之 輔臣强四夷開候細微 在紫微宫一座 而 潤 則天子吉威令行微 大微宮成云帝座一曰神農 在 大角一座在心中一座 則國安亡則主失 細凶大人當 隂 帲 陽 位也 西 Ż 居

覆則歲熟仰則大 肆不安火守入兵大起斗五星在宦者西南主平量 ાદ 見小赦五星見大赦動則斧鎖用中空則更元漢志 牢口一星為門欲其開也九星皆明天下獄 前一日連索一日連管一日天牢主法律禁暴 勢星同列肆二星 閱人也星微則吉明則凶非其常 宦者有憂其占與 亦曰天斛主量者也占與斗同貫索九星在七公 餓 在 斛 明 之計可ら 暗 西北主寶玉之貨移從則列 與帛度同斛四星在市 煩七星 强

定四庫全書 贯索之口主執法列善惡之官也星齊正則國法平 貫索為贱人之牢一星芒有喜事二星芒賜爵禄 且赦若客星出視其小大大有大赦小有小赦或云 見 星芒有赦門閉牢中多死水犯災火犯米貴七公七 口及星入牢中有繁死者常以午子夜候之一星不 云十五星張衡云貫索開有赦不見則刑獄簡若閉 则 在招摇東天之相也三公之象張衛云七公横列 有小喜二星不見賜禄三星不見人主德令行

欽

飲定四庫全書 第四星曰東海第五星曰徐第六星曰吳越第七星 其東垣南第一星曰宋第二星曰南海第三星曰燕 宋两朝天文志天市垣二十二星東西列各十一星 事明則官人恣意常則無咎 地震山崩女床三星在天紀之北為後官御女主女 訟也明則天下多詞訟亡則政理壞國紀亂散絕則 紀九星在貫索東九卿也為九河主萬事之紀理究

差戻則獄多霓酷或云星入河米贵火犯之兵起天

半入危宿七度 星曰周第八星曰鄭第九星曰晉第十星曰河間第 星口梁第四星日巴第五星日蜀第六星日秦第七 十一星曰魏其西垣第一星曰韓第二星曰楚第三 日齊第八星日中山第九星曰九 河第十星曰趙第 人尾宿十二度 車肆二星距西大星去極一百度 入心宿五度 一星曰河中 市樓一星距東南星去極九十八度 東垣南第一星宋去極一百五度 西垣第一星韓去極九十八度

欴 定四車全書一人 星 距 距 距 心宿三度半 入尾宿三度 人尾宿三座 距 大星去極八十六度入箕一度 東 北星去極八十五度半入尾十六度 候 八大星去 極 一星去 南星去極七十六度半入尾 極 帝座 七十九度入尾六度 七十八度半入尾 列肆二星距東星去 四星距 文獻通考 一星去 西 一南星去 極 セ ナ 九 十六度 半 度 宗室二星距 極 極八十七度 五 半 度入尾十 ハ十六度 宗正二 宗人四星 斗五星 宦 者四

座東 星為內屏此其別也而舊乃以右常侍一星及她三 宋中興天文志天市垣中一星明大者謂之帝座帝 極六十八度半入箕宿三度 如北一星在帝右后北一星在帝左是為左右常 如南四星為官寺官寺南一星為閣人閣人南 極六十九度少入箕三度 北一星為后舊誤作候西南三星為如舊失其 屠肆二星距西星 去 四

大星去極八十度半入箕五度

帛度二星距

西星

指以建時節故曰攝提格雖於泉星中頗表而出之 紫宫之東南而大角在紫宫之正東故天市在大角 两旁各有三星鼎足勾之曰攝提攝提者直斗柄所 之天王座其說不同司馬遷云大角者天王帝廷其 左太微在大角右大角一星晉隋志雜之衆星中謂 又曰凡三垣紫宮在中天市在紫宫之東北大微在 星為解皆誤也 星為宦者又以宦寺閣人合五星為斗又以內辟四 之歌通考

新定四庫全書 | 文獻通考卷二百七十八 亦未為得也故凡曰天王座曰天王帝廷曰直斗柄 所指以建時節皆非是



腾

録監生

适 徐 大

豐

總

·庶古士 臣

117

欽定四庫全書 曾要文獻通考卷二百七十九



詳校官員外即臣潘紹觀

灾足日事 **全** 欽定四庫全書舊要卷九十六百史部 其象有角有亢有氏有房有心有尾有箕氏胸房腹 宋中興天文志石氏云東宫青帝其精蒼龍為七宿 文獻通考卷二百七十九 鄱 十八宿 馬 文献通考 端 酩 貴 與 著

**衡南門樓外兩星横** 明樓中柱有十五星三三相著如鼎形其中四星别名 形角下天門左平星雙雙橫於庫樓上庫樓十星屈曲 連別有一鳥名進賢平道石畔獨淵然最上三星周鼎 角兩星南北正直著中有平道上天田總是黑星兩相 角二星十二度為主造化萬物布君之威信謂之天 六十著龍為蘇蟲之長 箕所糞也司春司木司東嶽司東方司鱗蟲三百有 卷二百七十九 道為天子八達之衢明正則吉動搖則法駕有虞天 持政左角為天田為理主刑其南為太陽道五星犯 寧月食左角天下道斷金火犯有戰敵金守之大將 之為旱右角為將主兵其北為太陰道五星犯之為 水盖天之三門猶房之四表也左右角間二星曰平 所行也其明則太平芒動則國不寧日食右角國不 闕其間天門也其內天庭也故黃道經其中七曜之

·飲定四車全書

文獻通考

田主天子畿內封疆金守之主兵火守之主旱水守

大星為庫南四星為樓在角南一曰天庫兵車之府 黑星在平星北角之南主天之門為朝聘待客之所 提西國之神器也不見或移徒則運作不寧天門二 在位暗則在野又曰主卿相主说才周鼎三星在攝 庫樓北平天下之法獄廷尉之象也庫樓十星其六 之主涤平道西一星曰進賢在太微宫東明則賢者 也旁十五星三三而聚者柱也中央四小星衛也主 明則四方歸化不見則兵革起邪佞生平星二星在 巻二百七十九 ここ) シュニョ 大歌通考 庫樓二星距西北星去極一百二十三度入彰十五 宋兩朝天文志角二星距南星去極九十七度半 度半 南門二星距西星去極一百三十七度入軫 之主兵至 外門也主守兵明則遠方入貢暗則夷秋畔容星守 明而動搖則兵出四方盡不見則國無君庫樓東北 二星曰陽門主守隘塞也南門二星在庫樓南天之

陳兵其占曰庫中星不見兵四合無星則下臣 謀上

横大角左右攝提星三三相似如鼎形折威下左頓頹 九四星恰似彎弓狀大角一星直上明折威七箇九下 七度半 度 平道二星距東星去極九十一度入角二 周鼎三星距東北星去極六十四度半入角宿 平星二星距西星去極一百九度半入較十六 天門二星距西星去極一百四度半入較十六 天田二星距西星去極八十二度半入角二度

鱼灾四库全書 1

卷二百七十九

星兩箇斜安黃色精頑西二星號陽門色若頓頑直下 九四星九度日月之中道主天子內朝天下之禮法 移動多病不見則天下鼎沸而旱澇作矣大角一星 廟主疾疫其星明大四海歸王輔臣納忠人無疾疫 日食主山九南七黑星曰折威主斬殺金火守之夷 在攝提聞天王坐也又為天子梁棟金守之則兵起 也又曰總攝天下奏事聽訟理獄錄功者也亦為疏 文獻通考

一盆定匹庫全書 節何機祥攝提為盾以夾擁帝坐也主九卿明大三 度其左距南星去極七十二度半入九七度 太陽 宋兩朝天文志亢四星距南第二星去極九十六度 主邊塞險阻之地客星出陽門夷狄犯邊 星在折威東南主考囚察情偽也陽門在庫樓東北 公恣横客星入之聖人受制一曰大臣之象頓頑二 狄犯邊將有棄市者攝提六星直斗柄之南主建時 攝提六星其右距北大星去極六十七度入亢七 卷二百七十九

七三三相連十欠一陣車氏下騎官次騎官下三車騎 西九池六星近攝提氏下衆星騎官出騎官之衆二十 名一箇招搖梗河上梗河横列三星狀帝席三黑河之 氏四星似斗側量米天乳氏上黑一星世人不識稱無 大角二星去極六十六度入亢二度半 威七星距西第三大星去極一百三度入九三度 距東南星去極一百一十二度半入亢四度 門二星距西星去極一百一十三度入角十度 文獻通考 頓頑二星

位天輻兩星在陣傍將軍陣裏振威雨 一 鱼 定 匹 厚 在 書 氏十六度下二尺為五星日月中 道為天子之路寝 李犯暴兵起月暈人不安一日氏為后 妃之府休 解 臣僭上金犯拜將水犯百官及客星犯婚禮不整彗 謀內禍亂生矣日月食主內亂木犯之立妃后火犯 之房前二星適也後二星妄也將有徭役之事氏先 明則大臣妃后奉君不失節如不見或移動則臣将 巻二百七十九

動星明大則民無勞天乳在氏北主甘露明則潤澤

الما المله الما ما الما الما 甘露降招搖一星在梗河北次北斗 柄端主胡兵芒 車騎行天輻兩黃星在房西主鸞駕客星來守之則 在氏西騎官之上都車騎之將也金火犯為災動搖 南天子騎士之象星東則安不見兵起車騎三黑星 天子無樂歌壽之所其星不見大人失位亢池六里! 角變色搖動則兵革大起梗河二星在大角北天子 星為泛舟楫主迎送移徙則凶騎官二十七星在氏 以備不處其色愛動有兵喪帝席三星在大角西北 文獻通考

**董敏有憂也騎陣將軍一星在騎官東南主騎將也** 宋兩朝天文志氏四星距西南星去極一百四度半 搖動則騎將出 去極一百二十度入氐宿初度 車騎三星距東南 去極五十一度入亢四度半 梗河三星距大星去 極五十九度入氏二度 騎官二十七星距西北星 天乳一星去極九十二度入氏十四度 九池六星距北大星去極七十度半入九三度 招摇一星

鱼灰四库在了

卷二百七十九

傍罰有三星直鍵上兩咸夾罰似房狀房下一星號為 房四星直下主明堂鍵閉一黄斜向上鉤鈴兩箇近其 日從官兩箇日下出 星去極一百四十度入氏二度 帝席三星距東星 去極六十七度半入氏宿一度半 房六度為明堂天子布政之宫也亦四輔也下第四 星上將也次次將也次次相也上星上相也南二星

君位北二星夫人位又為四表中間為天衛之大道

文款通考

藏之所由也房星明則王者明縣星大則兵起星雜 駿次左服次右服次右縣亦曰天底又主開 附為蓄 曜由乎天衢則天下平和由陽道則主旱丧由陰道 其南曰太陽北間曰陰間亦曰陰道其北曰太陰七 亦謂之天闕黄道之所經也南間曰陽環亦曰陽道 則主水兵房星亦曰天腳為天馬主車駕南星曰左 星為陰五星犯之為水上二星為陽五星犯之為旱 則人流日月食主昏亂權臣横彗字犯之兵起下二

鉑

定匹厚 至 1

卷二百七十九

灾足习事全書 東咸西咸各四星在房星北日月五星之道也為房 房北二小星曰鈎鈴房之鈴鍵天之管籥主閉藏鍵 罰不中日一星在房中道前太陽之精主明徒金火 列主受金贖罪正而列則法令太平曲而斜行則刑 之有陰謀火守之兵起罰三星在東咸正西南北而 之户所以防淫佚也明則吉暗則凶日月五星犯守 不和王者絕後房鈎鈴間有星及疎拆則地動河清 天心也王者孝則鉤鈴明近房天下同心遠則天下| 文獻通考

星去極一百一十三度入氏十四度半 從官二星 星距西南星去極一百一十一度入心一度 日 宋兩朝天文志房四星距南第二星去極一百一十 星距西南星去極一百四度半入氏十五度 釣鈴 距西星去極一百二十二度入氏十四度 西咸四 三星距南星去極一百八度入心一度半 東咸四 四度半 鍵閉一星去極一百八度入房四度 犯守之有憂從官二星在積卒西北

老二百七十九

心三星中央色最深下有積卒共十二三三相聚心下 子之正位也前星為太子不明則太子不得位後星 心六度一名大火天王位也中星曰明堂為大辰天 精為星以司太陽之行度日生於東故於是在馬 陽宗之精也為雞三足為烏二足雞在日中而烏之 中與天文志甘氏云日一星在房之西氏之東日者 二小星去極一百九度半入房二度半

於定四車全書 文歌道考

十二星在房心西南五營軍士也微而小則吉明大 搖動兵大起一星亡兵出二星亡兵半出三星亡兵 兵起火來守之國無主客星及孛犯天下兵荒積卒 民流金火犯血光不止土木犯及日月食不吉月暈 出盡他星守之兵大起近臣誅 心變黑色大人有憂直則王失勢動則國有憂離則 中心明則化成道昌直則地動移徙不見國亡又曰 為庶子明則庶子繼心上四尺為日月五星之中道

歩二百七十九

官所以列在后妃中 是尾東一箇名傳說傳說東畔一魚子龜西一室是神 尾九星如鉤蒼龍尾下頭五點號龜星尾上天江四横 中道上第一星后也次三星夫人次則嬪妄第三星 尾十九度后如之府後官之場也北之一丈為天之 宋兩朝志心三星距西前星去極一百一十四度半 宿十五度 積卒十二星距大星去極一百二十六度半入氏

たこうるとなる一日 文献通考

漢中主占定吉凶明則君臣和不明則為乖戾止則 赤地千里火守之兵起在外守之兵罷天江四星在 宫中内亂土犯吉水犯之中有事客星犯大臣誅日 天下亂就聚則大水木犯之及月量則后妃死火犯 傍一星名曰神宫解衣之内室尾亦為九子星色欲 月食主饑一曰金火守之後官兵起龜五星在尾南 微細暗后有憂疾疎遠則后失勢動移則君臣不和 均明大小相承則后妃無妬忌後官有敘多子孫星

金灰四月全言

卷二百七十九

其星不具則津河關道不通熒惑守之有立主客星 神靈祈禱子孕故曰主王后之内祭祀以求子孫詩 大明則陰陽和風雨時暗則魚多亡動搖則大水暴 子無嗣魚一星在尾後河中主陰事知雲雨之期也 子孫小而暗後宮少子動搖則後宮不安星搖則天 云克種克祀以弗無子此之象也其星明大王者多 入河津絕傳說一星在尾後河中主後宮女巫祝祀 文联通考

尾之北主太陰不欲明明而動水暴出參差則馬貴

宋兩朝天文志尾九星去極一百二十七度半 中興天文志石氏云傳說者章祝女巫官一名太祝 五星距南第二星去極一百一十四度半入尾宿十 官或讀傳為傳遂謂之殷相說自莊周安言 司天王之内祭祀以祈子孫故有太祝以傳説於神 出漢中則大魚多死火守在南則早在北則水起 傅說一星去極一百八度半入尾宿十四度 魚一星去極一百二十六度入尾宿十五度半

**鱼灰匹库全** 

夾深鄭氏曰按傅說一星惟主後宫女巫祷 祠求 祠以祈子孫其事不類故先儒疑之然諸星中 所 按傅說商之良室輔也而其星則所主者宫中禱 宫之事故有傳說之佐馬 其義則曰傅説騎箕尾而去殊不知箕尾專主後 之義也偶商之傳說與此同音諸子家更不詳審 謂傅母喜之也今之婦人求子皆祀婆神此傳說 子之事謂之傳說者古有傅母有保母傳而說者 文獻通考

其四星形狀如氣箕箕下三星名木杆箕前一里是糠 箕十一度亦謂之天津後宮妃后之位上六尺為天 之中道箕一日天雞主八風凡日月宿在箕東壁翼 較者風起又主口舌主客蜜夷胡貊故蜜夷將動先 謂軒轅社稷造父奚仲王良皆古人之名也盖在 天為星辰在人為聖賢於理有之今疑其不類而 改以為傳說則過矣

**5 四月るで** 

老二百七十九

徙人失業不見人 相食客星入杵曰天下有 急變 糠 起杵三星在箕南主杵臼之用也縱為豊横為饑移 食月量金火犯之兵起流星犯大臣叛日宿其野風 動則醫夷有使來離從則人流若移入河國災人相 世亂五穀貴蠻夷不伏內外有差就聚細微天下憂 一星在箕口前杵臼西北明則為豐暗為饑不見人

表箕馬星大明直則五穀熟君無讒間疎暗則無君

たこう

大數通考

度半 杵三星距中心大星去極一百三十八度入 蚪之象司冬司水司北嶽司北方司介蟲三百有六 龜蛇蟠結之象牛蛇象女龜象虚危室壁皆龜蛇蟠 宋中興志石氏云北方黑帝其精元武為七宿斗有 七度半 箕宿三度 糠一星去極一百一十七度入尾宿十 宋兩朝天文志箕四星距西北星去極一百二十一 元武七宿 卷二百七十九

邊更有兩狗斗魁前農家丈人狗下眠天淵十黃狗色 九斗下圓安十四星雖然名鼈貫索形天雞建背雙黑 斗六星其狀似北斗魁上建星三相對天弁建上三三 星天籥柄前八黃精狗國四方雞下生天淵十星鼈車 斗二十五度天廟也亦曰天機五星贯中日月正道 十王奕曰龜不獨介蟲之長也北冬令其氣蟄城有 縮臟之象馬

たこり 良 co to 大妖道考

南斗南艦為水蟲歸太陰有星守之白衣曾主有水 荡孛犯之兵起星小暗則廢宰相及死態十四星在 南斗星威明君臣一心天下和平爵禄行芒角動搖 天子愁兵起移徒其臣逐日月五星逆入斗天下流 為丞相大军之位酌量政事之宜褒進賢良票授爵 火守之早建六星在斗背亦曰天旗臨於黃道天之 禄又主兵南二星魁天梁也中央二星天相也北二| 星杓天府廷也亦為壽命之期將有天子之事占於 米一百七十九

兵起天雞二星在狗國北主候時也金火守入兵大 市籍之事以知市珍也星明則吉彗星犯守之程貴 起天箭八星在斗南斗杓西主鎖箭關閉明吉暗凶 弁九星在建星北入河市 官之長也主列肆關 閱若 跗也建動搖則人勞月暈之蛟龍見牛馬瘦月食五 馬南二星天庫也中央二星市也鉄鎖也上二星旗 星犯守大臣相譖臣謀主亦為關梁不通有大水天 文法的考

都關也建斗之間七曜之道建為謀事為天鼓為天

一截定四庫全書 卷二百七十九 災農丈人一星在南斗西南老農主稼穑也其占與 宋兩朝志南斗六星距西第三星去極一百一十九 二黑星在斗魁前主吠守防奸田也不居常處為大 溉灌火守之大旱水守之大水一日主海中魚繁狗 有大盗其王且來天淵十星在鱉東南一曰天海主| 金火犯守外夷有變太白逆守其國亂客星守犯之 狗國四星在建東北主鮮早烏九沃沮明則邊寇作

極一百一十度入斗宿十六度半 初度 百二十九度入斗宿十七度 天雞二星距 西星去 度入斗宿十二度 天淵十星距中北星去極 尾宿十九度 天弁九星距西大星去極九十九度半入斗 宿 鼈十四星距東大星去極一百三十 度入斗 天衛八星距西大星去極一百一十四度半 建六星距西星去極一百一十三度入斗宿 狗二星距東大星去極一百一 狗國四星距

欽

定四車全書

文獻通考

+

鼓鼓上三星號織女左旗右旗各九星河鼓兩畔左邊 脚牛下九黑是天田田下三三九坎連牛上直建三河 牛六星近在河岸頭頭上雖然有兩角腹下從來欠一 居漸臺四星似口形輦道東足連五丁輦道漸臺在何 明更有四黄名天桴河鼓直下如連珠羅堰三烏牛車 北星去極一百二十度入斗宿十八度 農丈人一 星去極一百二十四度半入箕宿六度半

許欲得見時近織女

一次至日車至書 文献通考 殃明大則王道昌其星曲則雅貴又曰星明大 則 關 星主關梁次二星主南夷中一星主牛移動則牛多 主關梁次三星主南越甘氏曰上二星主道路次二 星移工下牛多死小星亡則牛多疫月暈損精全火 星一日即路二日聚火又日上一星主道路次二星 牛七度天之關梁日月五星之中道主樣姓其北二 犯之兵災水土犯之吉天田九星牽牛南太微東主 梁通牛貴怒則馬貴不明失常穀不登細則牛熊中

為大將軍左星為左將軍右星為右將軍左星南星 主軍鼓及鉄鐵一曰三武主天子三將軍中央大星 災夷狄侵邊不明則吉河鼓三星在牽牛北天鼓也 也所以備關梁設險阻而拒難也明大光潤將軍吉 天田東主溝渠所以導達泉源流寫盈溢明風則有 天子畿内之田其占與角之天田同九坎九黑星在 旗各九星在河鼓左右皆天之旗鼓也旗星明潤将 動搖差度亂兵起直則將有功曲則將失律右旗,左|

卷二百七十九

道金火守之御路兵起羅堰三星在牽牛東主堤塘 平大星怒角布帛貴又曰三星俱明女功善暗而微 寶玉也王者至孝神祇咸喜則織女星俱明天下和 鼓桴也星不明漏刻失時動搖軍 鼓用桴鼓相直亦 軍吉動搖兵起怒則馬貴旗端四星南北列曰天桴 也主漏刻律日之事西足五星曰輦道天子嬉遊之 天下女功廢不見兵起東足四星曰漸臺臨水之臺 然織女三星在河北天紀東端天女也主果旅絲綿

壅蓄水療灌溉田苗大而明大水泛濫 斗宿二十二度 九坎九星距大星去極一百四十 宋两朝天文志牛六星距中央大星去極一百八度 距大星去極九十四度入斗宿二十四度半 星去極七十三度半入斗宿二十四度 天桴四星 三星距北星去極一百九度入牛宿四度 一度半入斗宿二十五度 左旗九星距西第四大 天田九星距西北星去極一百一十六度半入 漸臺四

**金定四庫全書** 

卷二百七十九

織女三星距大星去極五十二度半入斗宿五度 星距西北星去極四十七度半入斗宿十一度半 星距東南星去極五十八度入斗宿十度 輦道五 容齊洪氏隨筆曰宋蒼梧王當七夕夜令楊王夫 者即此也爾雅云河鼓謂之牽牛又歌曰東飛百 灰祭鄭氏曰按張衡云牽牛織女七月七日相見 勞西飛燕黃姑織女時相見黃姑即河鼓也音訛 ! 文歌通考

盆定四庫全書 盖候鬼宿渡河之後翟公異作祭儀十卷云或祭 春居見於南夏晨見於東秋夜半見於東冬昏見 公異博學多聞援證皆有据不肯碌碌同衆所見 宿渡河常在中夜必使人仰占以候之葉少為云 於民或祭於旦皆非是當以鬼宿渡河為候而鬼 微志載蘇德哥為徐肇祀其先人曰當夜半可已 伺織女渡河曰見當報我不見當殺汝錢希白洞 必過人子按天下經星終古不動鬼宿隨天西行 老二百七十九

钦定四庫全書 望七夕誰見同神光竟難候此事終朦朧盖自洞 老又有詩云牽牛出河西織女處其東萬古永相 浪生梁劉孝儀詩云欲待黄昏至合嬌淺渡河唐 笑錢翟葉三公皆名儒碩學亦不深考如此杜詩 與鬼宿正相反其理則同蒼梧王荒悖小兒不足 於東安有所謂渡河及常在中夜之理織女昏晨 云牛女漫愁思秋期猶渡河牛女年年渡何曽風 人七夕詩皆有此說此自是牽俗遣詞之過故杜 文獻通考

生兩箇各五瓠瓜明天津九箇彈亏形兩星入牛河中 存十六黃星細區分五箇離珠女上星敗瓜珠上瓠瓜 軍燕西一郡是齊鄰齊北兩邑平原君欲知鄭在越下 論東西兩周次二秦雅州南下雙為門代國向西一晉 女四星如箕主嫁娶十二諸國在下陳先從起國向東 -韓魏各一皆北輪楚之一國魏西屯楚城南畔獨燕 晓其實非他人比也

横四箇奚仲天津上七箇仲側扶筐星

六星齊一星在九坎之東齊北二星日超趙北一星 貴人多死土守之有女喪金守之兵起十二國有十 蠶月暈婦人災又曰水守之萬物不成火守之布 帛 女十一度下九尺為日月中道天之少府也謂之須 日月食國憂木犯立后火犯女喪金犯災土字犯損 小暗則國藏虚移動則婦女受殃産死者多后如廢 如婦功之式主布帛裁製嫁娶星明天下豐女功昌 女者須賤妄之稱婦職之早者也主婦女之位其星

たこう no 1 ann 文献通考

敗瓜主種與瓠瓜略同天津九星在虚危北橫漢中 星有慶各以其國離珠五星在須女北須女之藏府 **瓜五星在離珠北主陰謀主後宮主果食明則歲熟** 也為女子之星非其故後宮亂客星犯之後宮凶瓠 韓韓北一星曰魏魏西一星曰楚楚南一星曰照其 星曰秦秦南二星曰代代西一星曰晉晋北一星曰 曰鄭鄭北一星曰越越東二星曰周周東南北列二| 則后失勢瓜果不登客星守之魚鹽貴旁五星日 四月白世 老二百七十九

灾足日事全書 一 度入牛宿四度 津梁所度明而動則兵起如流沙死人如亂麻參差 宋兩朝天文志女四星距西南星去極一百四度半 星七水災河溢水賊稱王奚仲四星在天津北古車 正也金火守之兵車必起扶筐七黑星主點事見去 不齊馬貴一星不備關梁不通三星不備覆陷天下 十二諸侯十六星其趙距西星去極一百二十三 離珠五星距東北大星去極九十 文默通考

七度半入斗宿二十三度 奚仲四星距西北星去 有星出於婺女杜預注婺女為既嫁之女織女為處 宋中興天文志石氏云女一名婺女左傅昭公十年 九度入牛宿七度 天津九星距西硝星去極四十 極三十八度入牛宿十八度 五度入牛宿六度半 二度半入牛宿六度 卷二百七十九 敗瓜五星距南星去極八十

南贍部州其二十八宿所管者多十二國之分野 十二國者則不特揚州而已又揚州雖可言東南 者只牛女二宿且引釋氏南瞻部州說以為證然 按鄭氏因牛女間有十二國星而以為華夏所占 牛女下十二國耳牛女在東南故釋氏謂華夏為 以十二次言之牛女雖屬揚州而華夏之地所謂 大歌通考

夾祭鄭氏曰謹按天之所覆者廣而華夏所占者

鱼灰四库全書 十二國而此二星初未當屬乎牛女也謂牛女車 秦東北一星主趙燕東南一星主魯衛中央一星 齊五車五星其次含在畢星書以為西北一星主 主華夏可平 主楚西南一星主魏然則北斗五車所主者亦此 主秦二主楚三主梁四主吳五主趙六主燕七主 且北斗七星其次舎自張而至於角星書以為一 而牛女在天則北方宿也與南膽部州之說異矣 卷二百七十九

横白西三箇離瑜明 星哭泣雙手壘城天壘圓團十三星敗臼四星城下 虚上下各一如連珠命禄危非虚上呈虚危之下哭泣 主風雲死喪下九尺為天之中道明静則天下安動 虚九度少強家室之官也主邑居廟堂祭祀之事又 北二星曰司禄主爵禄增年延德故在六宗之祀司 星犯有災虚北二星曰司命主舉過行罰滅不祥又 搖則有死喪哭泣日月食兵起流星犯賊亂宗廟五

一飲定四庫全書 守之饑兵起秦代東三星南北列曰離瑜離主衣也 危二星在司禄之北主驕佚司非二星在危之北主 瑜玉飾皆婦人之服星也微則後官儉約明大則婦 星曰哭主號哭也哭東二星曰泣主死明則國多哭 主北夷丁零匈奴敗日四星在虚危南知凶災他星 泣金火守之亦然泣南十三星曰天壘城如贯索形 您過凡此四司皆黑星明大為災居常則平虚南二 老二百十十九

宋兩朝天文志虚二星距南星去極一百度半 十三星距西星去極一百二十六度入女宿十一度 命二星距西星去極九十二度入虚宿三度 司禄 星距南星去極一百四度半入危宿三度 天壘城 距西星去極七十九度半入女宿九度半 哭二星 距西星去極八十五度半入女宿八度 距西星去極一百一十七度半入女宿九度 二星距西星去極九十度入虚宿四度 文獻通考 二十五 司危二星

黃墓傍兩星能盖屋身者黑衣危下宿 危三星不直舊先知危上五黑號人星人下三四杆回 父危下四星號墳墓墓下四星斜虚梁十箇天錢梁下 形人上七鳥號車府府上天釣九黃品釣上五頭字造 危十六度主天府天庫架屋甘氏云為天市廟堂下 定匹庫全書 敗日四星距北星去極一百三十九度半入虚宿 雜瑜三星距西星去極一百二十八度入女

寒二百七十九

火守則天子將兵金守則饑饉兵起虚危動則有土 九尺為天之中道主架屋受藏風雨墓境祠祀如動 主防淫不見則人有詐行詔書明則人安暗凶內於 星曰人星有如人象主静衆庶桑遠能通一曰卧星 功火守則兵起水守則下謀上一云危動則不明土 亦為巴居廟堂祠祀之事家幸之官動則死丧哭泣 功兵革起月暈日月五星犯即有災車府東南五黑 則天下大動土功張衛云虚危等為死喪哭泣之事 文明通考

垂輦服飾法式直則地將動明則服飾正也傳舎南 南七星日車府東近河邊抵司非主官車之府金火 直民機內四四星在人星東南主春四覆則大饑仰 三星在人星傍主軍糧正直下臼吉不相當糧絕不 馬大貴明則吉墳墓四星在危下如墓形主喪葬之 守之兵車大動天釣九星如釣狀在造父西河中主 河中五星曰造父御官也一曰司馬或曰伯樂星亡 則大豐隋志云客星入杵臼兵起天下聚米天津東

こ、」、」、」、一大財通考 星距南星去極六十一度半入危宿三度 五星距西南星去極七十度入虚宿六度半 宋兩朝天文志危三星距南星去極九十六度 事明則多死亡虚梁四星在盖屋南主園陵寢廟非 在北落西北主錢帛所聚占明則府藏盈不爾虚耗 亦為宫室之官金守之國兵起彗星尤其也 金火守之兵盗起盖屋二星在危南主天子所居室 人所處故曰虚梁金火守入犯兵災大起天錢十里 凹四星

室兩星上有雜官出选室三雙有六星下頭六箇雷電 盆定四庫全書 七星距西第一星去極五十六度半入虚宿四度半 距西南星去極六十九度半入危宿三度半 車府 天錢十星距東北星去極一百一十八度入危宿三 虚梁四星距東西去極一百度半入危宿八度 墳墓四星距中星去極九十六度入危宿五度半 造父五星距北星去極三十八度入危宿十一度 盖屋二星距西星去極九十七度入虚宿九度 卷二百七十九

室十七度亦謂之營室甘氏為太廟天子之宫也石 明國昌小不明祠祀鬼神不享國多疾疫動則有土 氏謂之元宫一曰清廟又謂軍糧之府及土功事星

子門西一宿天綱是電傍兩黑土公吏騰蛇室上二十

軍四十五卒三為羣軍西四星多難論子細歷歷看區

彩壘壁陣次十二星十二兩頭大似并陣下分布羽林

分三粒黄金名鉄鐵一顆真珠北落門門東八魁九箇

六星日雷電主興雷動蟄明或動則震雷作壁陣十 之别宫也主隱藏休息之所金火守入則兵起室南 功兵出野離宫六星兩兩居之分布室壁之間天子

卷二百七十九

而明則安寧希而動則兵革起不見天下亂五星入 二星在羽林北横列營室之南羽林之垣壘也星家

天軍皆為兵起金火水尤甚羽林四十五星三三而

聚散在營室之南天軍也主軍騎又主翼王也星衆

而明則安寧希而動則兵革起不見天下亂金火水

守入兵起斧鉞三星亦曰斧鎖在八魁西北主詩夷 軍蕃之候門長安北門曰北落門以象此也主非常 誅北落師門一星在羽林西南天之蕃落也亦曰天 不明則斧鎖不用移動則兵起有星入之皆為大臣 北落西南一星曰天綱主武帳天子将獵之所會金 張禽獸之官也容星入之多盗賊兵起金火入亦然 以候兵明大則軍安微弱則兵起金火守之有兵災 一曰有星守之屬入塞北落東南九黑星日八魁主

文献通考

主水蟲微則國安明則不寧移南大旱移北大水客 搖則有修築之事隋志土功吏主司過度騰蛇二十 火守兵起室西南二里曰土功吏主土功之官也動 宋兩朝天文志室二星距南星去極八十度半 星守之水雨為災水物不收 二星在營室北若盤蛇之狀居於河濱謂之天蛇星 壁陣壘十二星距西第一星去極一百十五度入女 電六星距西南星去極八十七度入危宿十二度

老二百七十九

**欠足日車至書 ■** 極一百三十九度入壁宿四度半 天綱一星去極 七度入危宿十五度半 斧鉞三星距北星去極一 一百二十九度入危宿五度 土公二星 距西星去 二十六度入危宿十一度半 八魁九星距南星去 百三十度入室宿二度 星去極四十四度少入危宿九度半 極八十五度入壁宿初度 騰蛇二十二星距中大 羽林四十五星距大星去極一百一十 文献通考 北落師門一星去極一

方壁上天威十圓黄鉄鎖五星羽林傍 壁兩星下頭是霹靂霹靂五星横著行雲雨次之日四 南雲雨在霹靂南土工吏在壁西南盖雷公電好雲 宋中興天文志曰甘氏云雷電在室南霹靂在雷電 天門故其神棲馬室不得司之也 將雨師與夫霹靂谷吏皆北方水府之精而極訾為 壁九度下九尺為天之中道主文章天下圖書之秘 府也亦主土功明則圖書集道術行小人退君子進 卷二百七十九

星失色大小不同天子重武臣與文士圖書隱親黨 雷奮擊明而動用事不明凶霹靂南四星曰雲雨明 損野臣五星孛犯兵起土功西南五星曰霹靂主與 牛馬饑餓并死喪也 則多雨水火守之大旱天厩十星在東壁北盖天馬 回邪用星動則有土功離徙就聚為田宅事口月食 倉西門刈具也主斬獨飼牛馬明則牛馬肥微暗則 之厩今之驛亭也不見則天下道斷鉄鎖五星在天 文獻通考

宋兩朝天文志壁二星距南星去極八十度半 奎象白虎妻門即虎三子也畢象虎觜參象麟皆首 歷五星距西星去極九十三度入危宿十五度 **廐十星距西星去極四十九度半入壁宿初度** 宋中興天文志石氏云西官白帝其精白虎為七宿 參身也司秋司金司西嶽司西海司西方司毛蟲三 雨四星距西北星去極九十五度入室宿五度 雲

鱼灰四月五世

卷二百七十九

欽定四庫全書 文献通考 七宿配焉漢宣帝時南郡獲白虎宋元嘉中琅琊有 朱鳥見靈龜水也水得其性則靈龜見白虎金也金 為王者嘉瑞故列宿象馬白虎奚預也曰白虎亦瑞 得其性則白虎見與麟鳳龜俱為王者之瑞故西方 龍木也木得其性則著龍見朱鳥火也火得其性則 物食自死肉其性至仁五靈之一也以五行娩之著 獸也爾雅謂之慰胡甘反盖賜虞之異名也不食生 百有六十王实日若龍朱雀靈龜不獨蟲之長也實

穔屏下七星天溷明司空左畔土之精奎上一宿軍 南 奎腰細頭光似破鞋一十六星速鞋生外屏七烏奎下 星五星近上一策名 門河中六箇閣道形附路一星道傍明五箇吐花王良 奎十六度天之武庫也石氏謂之天豕亦曰封豕主 兵九尺下為天之中道又主溝瀆西南大星所謂天 白虎史臣俱以為瑞而特書之也

豕目亦曰大將明則天下安動則兵亂客星守入兵!

土功天下大疫軍南門一星在将軍西南主誰何出 之風也不見則人不安移徒亦然天溷南一星日土 屏以蔽天溷也占與天国同天溷七星在外屏南天 入動搖則軍行不見則兵亂閣道六星在王良前飛 司空主水土之事大而黄明天下安若容星入之多 星明水大出日月食五星犯皆有凶奎南七星日外 角角動則有兵不出年中或有溝潰之事又曰奎中 起金火守有水災隋志云若帝淫佚政不平則全有

灾足日事至書一

文獻通考

義也一曰占與閣道同王良五星在奎北居河中 天 道之敗復而乘之也一曰太僕主禦風雨亦将從之 官校之内兵起附路一星在閣道南傍别道也備閣 子奉車御官也其四星曰天駒旁一星曰王良亦曰 道也從然宫至河神所垂也一曰主道里張衡云天 天馬其星動為策馬故曰王良策馬車騎滿野亦曰 姓表而不欲其搖動一星不具則**替道不通動搖則** 子将别官之道一曰王良旗一曰紫官旗亦所以為 参二百七十九

王梁梁為天橋主樂風雨水道故或占津梁其星移 土司空一星去極一百一十五度少入壁宿九度 良旁若移在馬後是謂車騎滿野 主有兵亦曰馬病客星守之橋不通金火守之皆為 宋兩朝天文志奎十六星距西南大星去極七十二 兵憂前一星曰策王良之御策也主天子僕御在王 天涵七星距西南星去極九十七度入奎宿三度 度 外屏距西星去極八十九度入壁宿八度半

頭天庾三星倉東脚婁上十二將軍侯 妻三星不匀近一頭左更右更烏夾妻天倉六箇婁下 新庆四届全 · 執主之命者就聚國不安金火守之則官苑之內兵 性供給郊祀亦為興兵聚衆動搖則聚衆星直則有 婁十二度下九尺為日月中道亦為天獄主苑牧儀 西星去極三十七度入壁宿初度 軍南門一星去極六十六度入奎宿十五度 星去極三十五度半入全宿五度 参二百七十九 王良五星距

Cこり 5 2 tha 一大歌通考 星吏士也大将星搖兵起大将出小星不具兵起 十二星在婁北主武兵中央大星天之大将也外小 牧牛馬亦主禮義金火守之山澤有兵其占兩更同 藪之事亦主仁智右更五星在婁西牧師也主官養 起日月食宫内亂金木火土犯凶水犯吉孛起兵月 兩更者素爵名天倉六星在婁南倉穀所藏也星黃 而大歲熟西南四星日天庾積厨栗之所也天将軍 量兩軍各退左更五星在隻東山震也主知山澤林 主五

新定匹庫在書 度半入婁宿五度 天大將軍十二星距大星去極 宿十一度 天東三星即中大星去極一百二十五 左更五星距西南星去極七十六度半入婁宿四度 宋兩朝天文志婁三星距中星去極七十五度半 六十度半入婁宿四度 四度 天倉六星距西北星去極一百四度半入奎 右更五星距東北星去極七十五度入奎宿十 卷二百七十九

胃三星 鼎足河之次天原胃下斜四星天困十三如乙

星積水船中一黑星 形河中八星名大陵陵北九箇天船名陵中積尸一箇 謂御廩也天囷十三星在胃南倉廩之屬主給御糧 南一曰天廥張衡云主積蓄黍稷以供事祀春秋所 時和平天下晏然倉廪實不明則上下失位星少則 胃十五度天之厨藏五穀之倉也又名大梁明則四 則凶荒五星犯日月食孛侵並有災天廪四星在昴 少穀輸運又云動則有輸運事就聚則穀貴人流暗

飲定四庫全書一个

也明而黃則嚴豐微變常色則不吉金火守之即災 中四星欲其均明即天下安不則兵若喪移徙亦然 起大陵八星在胃北主陵墓明而大或中星多則天 客彗出入為大水有兵大陵中一星日積尸明則死 下多死喪或兵起天船九星在大陵之北居河中一 曰舟星主渡亦主水旱不在河中津河不通水泛溢 則天下足死丧或兵起若不見而暗皆吉火守則天 人如山張衡云一名積廩積尸明而大或有傍星多

老二百七十九

六度半 大陵八星距大星去極五十四度入胃宿 度 天困十三星距大星去極九十一度半入胃宿 水一星去極五十三度入昴宿初度 宋兩朝天文志胃三星距西南星去極六十七度半 下大哭泣天船中一星曰積水主候水災 天原四星距南星去極八十五度半入胃宿十二 天船九星距大星去極五十四度半入胃宿 積尸一星去極五十五度入胃宿四度 積

た 己 日 上 告 一 文 裁通考

ニナセ

|舌舌中黒點天護星礪石舌傍斜四丁 **易七星一聚實不少河西月東各一星月下五黃天陰** 名陰下六鳥錫葉營營南十六天苑形河裏六星名卷 事又為旄頭胡星也又主丧廿氏云主口舌奏對若 易十一度下為日月中道天之耳目也主西方主**獄** 六星與大星等大水有白衣會七星黃兵大起動搖 明大則君無佞臣天下安和暗小則传者被誅搖動 則信議殺忠良張衛云界明則獄訟平暗則刑罰濫

参二百七十九

天子之藏府也星盛則歲豐穰希則貸財散張衛云 皆黑星並主女人災福又曰天河主察山林妖愛天 陰五星在畢柄西主從天子弋獵之臣預陰謀也不 見皆憂兵之象也天河一星在胃東月一星在昴東 則死芻藁六星在苑西以供牛馬之食也一曰天積 之苑囿養禽獸之所也主馬牛羊明則馬牛羊盈希 明則禁言漏洩天苑十六星在昴畢南如環狀天子

しせられ

有大臣下獄大而盡動若跳躍者胡兵大起一星不

宋兩朝天文志昴七星距西南星去極七十度 主醫巫占與從官同礪石四星在五車北主磨碾鋒 多妄言旁星繁則死人如丘山天讒一星在卷舌中 天護之外主口語以知讒佞張衡云主樞機曲而静 則賢人用直而動則說人得志卷古移出漢則天下 不見則牛暴死火守之則火災起卷舌六星在昴北 刃明則兵起如常則吉金火及客星守之兵動 河一星去極六十六度入胃宿十度 月一星去極

一欽定四庫全書 人

六十五度入昴宿六度 去極五十三度入昴宿初度 天龍一星去極六十 去極一百七度半入昴宿七度半 獨葉六星距西 七十五度半入胃宿七度 天苑十六星距東北星 七十一度半入昴宿五度 宋中與天文志月與天街皆在昴畢問故昴畢之間 行中星去極一百八度入婁宿十一度 一度半入昴宿半度 礪石四星距南第二星去極 天陰五星距西星去極 卷舌六星

星節下團圓九州城軍口斜對五車口車有三柱任縱 傍天節耳下八烏幢畢上横列六諸王王下四皂天高 畢恰似爪义八星出附耳畢股一星光天街兩星畢背 飲定四庫全書 界畢自司其行度而氏房界畢乃黃道之所經不得! 為蟾蜍三足克在月中而蟾蜍之精為星以司太陰 為天街黃道之所經也月者陰宗之精也為克四足 之行度月生於西故於是在馬日精在氏房月精在 巻二百七十九

園九游天園參脚邊 邊參旗九箇參車間旗下直建九好連族下十三烏天 横車中五箇天潢精潢畔咸池三黑星天赋一星車 畢十七度主邊兵主弋獵其大星曰天高一曰邊將 邊兵亂一星亡為兵丧動搖邊城兵起有讒臣離徙 主四夷之尉也星明大則遠夷來貢天下安失色則 雨師也故明而移動則霖潦及街壅塞明而定則天 天下獄亂就聚法令酷甘氏云畢主街巷陰雨天之

文歌通考

使臣之所持也宣威徳於四方明吉暗凶諸王六星 **競行兵大起邊尤甚入畢兵起天節八星在畢南主** 國微有盗賊邊候警外國反關兵連年合移動則佞 火守之胡夷兵起明王道正暗兵起附耳一星在畢 關深張衡云主國界也街南為華夏街北為夷狄金 犯有軍功昴畢問二星曰天街三光之道也主伺候 下安張衡云畢為天馬一日日月食邊兵凶將哀木 下天高東南隅主聽得失何愆邪察不祥星威則中

空主填星楚也次西南星曰御星主熒惑魏也五星 失其守陰陽不和五車五星三柱九星共十四星在 奉上天下安不見宗社傾危四方兵起天高四星在 在五車南天漢之中主宗社蕃屏王室也明則諸侯 趙也次東南星曰天倉主歲星衛魯也中央星曰司 參旗西北近畢此臺樹之高主遠望氣象不見則官 畢東北五車主天子五兵張衛云天子兵車舎也西 北曰天庫主太白秦也次東北星曰天獄主辰星燕 文狀通考

新庆四库全書 | 有變各以其所主而占之三柱一曰三泉一曰休一 兵且起五車三柱有變各以其國占之三柱出外兵 曰旗五星均明柱皆具即人倉庫實不具其國絕食 老二百七十九

貴六倍期二年出三月米貴十倍期三年柱出不與 出柱入兵入柱出一月米貴三倍期一年出兩月米

旱金入守兵起水入月暈不爾則有赦天潢五星在 天倉相近米穀運出千里柱倒立尤甚火入守天下

五車中主河梁濟渡之處也不見則河梁不通成池

也明而希則邊寇不動不然反是隋志參旗一日天 車合大將軍披甲祭旗九星在參西五車之間天旗 主關閉芒角有兵五星守之貴人多死移徙若與五 隋志云月五星入天潢兵起道不通天下亂易政咸 三星在五車中天潢南魚面也金火犯之則有大災 旗一曰天方主司弓弩之張候變禦難玉井西南九 **畢西北亦曰天門日月五星所行之道也主邊塞事** 池明有龍墜死虎狼害人兵起天關一星在五車南

一大九日自山馬 一大歌通考

星曰九好天子之旗也主邊軍進退金火守之兵亂 宋兩朝天文志畢八星距右股第一星去極七十五 西星去極七十度入畢宿三度 天高四星距東星 起天苑之南十三星曰天園植菓菜之所也曲而釣 距北星去極八十度半入畢宿三度 諸王六星距 則果菜熟不然則否 附耳一星去極七十七度畢宿三度 天節八星 天街二星距南星去極七十一度入昴宿十度

卷二百七十九

尺己りもとより 好九星距南星去極一百一十三度入畢 宿十二度 星距南第一大星去極八十七度入軍宿六度 天闕一星去極七十一度半入觜宿初度 池三星距南星去極五十一度入畢宿十一度半 星距大星去極四十七度半入畢宿八度半 去極七十四度半入畢宿六度 五車五星三柱九 三星距西北星去極五十八度入畢宿十一度 咸 天園十三星距東北星去極一百二十四度入畢 文跃五考

連司怪曲立坐旗邊四點大近井鐵前 第三星相近作參察衛上坐旗直指天尊 早之位九相 金贞四厚全書 常一度在參之右角如鼎足形主天之關明大則天 者張衡云葆旅野生之可食者金火來守國易政兵 儲盈將得勢動而明盗賊奉行葆旅起動移將有逐 為三軍之候行軍之藏府主係旅收殺萬物明則軍 下安五穀熟移動則君臣失位天下旱隋志云觜觽 宿五度

宋两朝天文志觜三星距西南星去極八十二度半 起災生日食臣不忠月食君害臣五星犯災生字客 地日月星辰禽獸蟲蛇草木之變與天高占同 位明則國有禮暗則反是司怪四星在井鉞前候天 星犯兵起坐旗九星在司怪西北主别君臣尊卑之 坐旗九星距南星去極六十一度半入参宿八度 司怪四星距西星去極七十一度入參宿六度半

麥總有七星觜相侵兩肩雙足三為心代有三星足裏

大型 中心 生

文獻通考

吟左足下四天風臨風下一物天屎沉 深玉井四星右足陰屏星兩扇井南襟軍井四星屏上 參十度上為五星日月中道甘氏 日參為忠良孝謹 殺伐又主權衛所以平理也又主邊城為九譯故不 之子明大則臣忠子孝安吉移動殺忠臣一曰參伐 欲其動也參白獸之體其中三星横列三將也東北| 日左肩主左将西北日右肩主右将東南日左足主 曰大辰一曰天市一曰鉄鉞主斬刈又為天獄主

卷二百七十九

參左足入王井中兵大起秦地大水若有丧山石為 中央三小星曰伐天之都尉也主胡鮮卑戎狄之國 後將軍西南曰右足主偏將軍故黃帝占參應七將 火來守則國易政兵起災生日月食則田荒米貴五 怪參足若突出玉井則虎狼暴害星差戾王臣貳金 故不欲明又曰七將皆明天下兵精也王道缺則芒 角張伐星明與參等大臣誤亂兵起參星失色軍散 敗芒角動搖邊候有急天下兵起又日有斬伐之事 文獻通考 罕五

金万四月百百 也軍并未達將不言渴名取此也又曰主軍營之事 星犯災甚玉井四星在參西右下水象也屏二星在 玉井南屏為屏風客星入之四足蟲大疾人亦多死 凶不見與屏同天屎一星在風南色黃則吉他色旨 天刚四星在屏東溷也主天下疾病黃吉青赤白豆 不見則國內寢疾王井東西四星曰軍并行軍之井 兩朝天文志參十星距中星西第一星去極九十二 卷二百七十九

宿十一度半 天屏二星距南星去極一百一十五 度入畢宿十三度半 軍井四星距西南星去極 中興天文志石氏云南宫赤帝其精朱鳥為七宿井 極一百一十度半入參宿二度 屎一星去極 百五度半入畢宿十四度 十五度入參宿三度半 朱鳥七宿 玉井四星距西北星去極九十八度少入里 文計通考 天剛四星距西北星去 军二 百百

一 一 一 一 一 一 一 一 一 一 **虎冬其蟲介龜介蟲之長故北方之宿為元武夏其** 首鬼目柳啄星頸張嗉翼翮軫尾司夏司火司南嶽 宿為落龍秋其蟲毛虎毛蟲之長故西方之宿為白 宿取象馬考之月令春其蟲鱗龍鱗之長故東方之 經熟鳳也青鳳謂之點赤鳳謂之熟白鳳謂之離然 鳳謂之舊盖鳳生於丹穴鶉又風之赤者故南方七 以羽蟲之長稱軟而曰熟首熟火熟尾何也師曠禽 司南海司南方司羽蟲三百有六十王奕曰朱鳥其 参二百七十九

星中有一箇野雞精孫子丈人市下列各立兩星從東 序四瀆横列南河裏南河下頭是軍市軍市團國十三 正天樽三星井上頭樽上横列五諸侯侯上北河西積 井八星行列河中净一星名針井邊安兩河各三南北 水欲覔積薪東畔是鐵下四星名水府水位東邊四星 朱鳥為丹鸦豈知四獸皆蟲之長也熟之微何預 蟲羽鳳羽蟲之長故南方之宿為朱鳥吳興沈氏以

說關丘三箇南河東丘下一狼光達茸左畔九箇寶孙

方一天擬射 頑狼智有箇老人南極中春秋出來毒無 井三十四度甘氏云井八星在河中主泉水日月五 戚廢戮三公帝師受殃矣張衡云天之南門也黃道 戚三公之位故明大則封侯建國搖動失色則誅侯 星貫之為中道石氏謂之東井亦曰天井主諸侯帝 用法平則井明而端列鉞一星附井之前主何奢淫 所經為天子之亭候主水衡事法令所取平也王者

一角定四庫全建 |

卷二百七十九

之常道也河戍動搖中國兵起天樽三星在五諸侯 髙天之闕門主關梁河南日南戍一日南宫一日陽 大明明即水災南北兩河各三星分灰東井一曰天 并日月食五星逆犯大臣謀亂兵起中有六星不欲 門一曰起門一曰權星主火北河曰北戍一曰北宮 於大臣月宿并有風雨之應又曰井為天子府暗芒 而斬之故不欲其明大與并齊或搖動則天子用針 一曰陰門一曰胡門一曰衡星主水兩戌之間三光

**欽定四庫全書** 

文献通考し

南主威館粥以給酒食之正也張衡云以給質飯明 豐暗則荒積水一星在河北所以供酒用也不見為 陰陽察得失明而潤大小齊等則國之福又曰赤則 則豐暗則荒或言暗吉五諸侯五星在東井東北近 澤則天下大治芒角則禍在中張衡又曰五諸侯治 北河主刺舉戒不虞又曰治陰陽察得失亦曰主帝 史又曰五曰大夫此五者常為帝定疑議星明大潤 心一日帝師二日帝友三日三公四日博士五日太

東巴日車 · 大歌通考 貨易之市客星及金火守之軍大饑野雞一星在軍 明大則水泛溢軍市十三星如錢狀在麥東南天軍 溢四瀆四星在井南軒轅東是江河淮濟之積特也 北河則國沒為江河若水火及客星守犯之百川盈 寫溢流也故巫咸氏贊曰水位四星寫溢流移動近 水官也占與水位同水位四星在東井主水衡又主 用明則人主康火守之大旱水府四星在東井西南

災又曰主候水災積於新一星在積水東以備庖厨之

皆侍丈人之側相扶而居不見為災守常無咎闕丘 市中主變怪也以芒角動搖為兵災移出則諸侯兵 掠色有常不欲變動角而變色動搖盗賊作胡兵起 金火守之兵戰關下狼一星在井東南為野將主殺 三星在南河東主象魏天子之雙嗣諸侯之兩觀也 星曰孫丈人主毒考之臣不見人臣不得通子與孫 起軍市西南二星曰丈人丈人東二星曰子子東二 人相食躁則人主不静不居其宫馳騁天下張衡云 老二百七十九 钦定日事全書 盗賊當向狼城矢動摇不如常者多盗賊明則丘大 南一日南極常以秋分之且見於丙春分之夕沒於 主與臣相謀張衡云滿則天下兵起老人一星在弧 不見則人主憂 丁常以秋分候之南郊明大則人主有壽天下安寧 起狼弧張害及胡天下乖亂又曰天弓張天下盡兵 文獻通考 五十

起金火守之亦然弧矢九星在狼東南天亏也以備

居非其處則人相食色黃白而明吉黑凶赤芒角兵

井宿六度半 積水一星去極五十四度半入井宿 兩朝天文志并八星距西扇北第一星去極六十九 十八度。積新一星去極六十五度半入井宿二十一 河三星距東大星去極六十一度半入井宿二十度 南河三星距東大星去極八十三度半入井宿二 鉞一星去極六十九度少入麥宿八度半 五諸侯五星距西星去極五十六度半入 天樽三星距西星去極六十八度入井宿

悉二百七十九

宿四度半 半入井宿初度 井宿二度 七度半 宿十八度 人参宿四度 人參宿九度 水府四星距西星去極七十六度半入参宿 水位四星距西星去極七十三度半入井 丈人二星距西星去極一百二十八度 軍市十三星距西北星去極一百七度 四瀆四星距西南星去極八十六度入 孫二星距西星去極一百二十五度 子二星距西星去極一百二十八度 野雞一星去極一百九度半入井 文獻通考

極老人然其出地亦不甚遠故隱見不常見則為 度不可得而見也故其精神出地以見乎南謂之南 算盖北極在母良故南極在未坤南極入地三十六 宋中與天文志南極老人在弧矢南司天下人民毒 入井宿十五度 狼一星去極一百七度半入井宿 入井宿六度 闕丘二星距大星去極九十一度少 老人一星去極一百四十三度入井宿三度 孤矢九星去極一百一十四度入井宿十五

新 庆 匹 庫 全 書

卷二百七十九

倚社東一星是天紀 位天狗七星鬼下是外厨六間柳星次天社六箇孙東 思四星冊方似木櫃中央白者積尸氣思上四星是解 其勢位等威盖與中斗相将以輔上帝故雖在井分 井不得而司之也 主祠事天日也又主視明察好誤東北星主積馬東 與鬼二度為日月五星之中道主死亡疾病張衡云

飲定日車全書 大麻通考

南星主積兵西南星主積布帛西北星主積金玉隨

其變占之中央一星名積尸亦曰積尸氣者但見氣 急鬼質欲其忽忽不明則安明則兵起大臣謀主下 凶天狗七星在鬼西南狼之北横河中以守賊也移 静明大甚則邊亭警急搖動芒角亦然又曰明吉暗 流亡甘氏云積尸搖動失色則疾病鬼哭人荒軒轅 而已主死喪祠祀一曰鉄質主誅斬鬼星明六穀成 西四星日耀亦日烽耀主烽火備警急占以不明安 不明人散動而光上賦斂重徭役多星徒人愁政令 忠二百七十九

煙四星距西北星去極六十度半入井宿二十九度 南似柳直明則吉隋志云共工之子勾龍能平水土 徒則兵起金火守之人相食外厨六星在柳南天子 **禽獸齒歲金火守之禽獸多死** 之外厨也占與天厨同孤南六星為天社在老人東 兩朝天文志鬼四星距西南星去極六十九度半 故祀以配社其精為星外厨之南一星曰天紀主知 天狗七星距西星去極一百二度入井宿二十二

文献通考

之位明大則人豐酒食搖動則大人酒死失色則下 宿十二度 天紀一星去極一百一度半入柳宿五 柳十四度上為天之中道甘氏云主飲食倉庫酒醋 八星曲頭垂似柳近上三星號為酒享宴大酺五星 天社六星距西南星去極一百三十四度入井 外厨六星距大星去極九十二度半入鬼宿二

悉二百七十九

雷雨一日天相一日天庫一日注又主木功星明大 朱雀之嗉天之厨室也主尚食和滋味隋志云又主 下不安饑饉流於道路不過三年必應張衛云柳為 臣重慎國安厨食具注舉首王命興輔佐出星直天 下謀伐其主就聚兵鬬國門酒旗三星在軒轅右角 兩朝天文志柳八星距西第三星去極八十二度半 酺有酒肉財物之賜及爵宗室 之南酒官之旗也主宴享飲食五星守酒旗天下大 文獻通考 五十四

平平下三箇名天相相下稷星横五靈 星七星如鉤柳下生星上十七軒轅形軒轅東頭四內 七星七度甘氏云主后妃御女之位亦為賢士失色 急兵守盗賊故欲明明則主道昌暗則賢良不處王 七星為朱鳥之頸一名天都主衣裳文繡隋志云主 些動則后她死賢士誅明大則道化成國威張衛云 酒旗三星距西北星去極七十七度入柳宿十四 卷二百七十九 た己り巨人島 棘十七星在七星北黃帝之神黃龍之體也后妃之 木犯人安火犯旱金土水犯俱災月暈 孛犯兵起軒 也欲其色黃小而明也張衡云軒轅如龍之體主雷 妃也次将也其次諸星皆次妃之屬也女主南小星 主士女職也一日東陵一日權星主雷雨之神南大 女御也左一星少民少后宗也右一星大民太后宗 星女主也次北一星夫人也屏也上将也次北一星 文獻通考

下空天子疾動則兵起離則易政日食兵饑婦人災

后敗水火金守之女主惡也漢注曰軒棘為權太微 離為背獨分為抱珥此乃十四變皆軒轅主之其星 雨之神後官之象馬陰陽交合盛為雷激為電和為一 曰天相丞相之象也其占與相星界同稷五星在七 之北平罪之官也明則刑罰平暗則否酒旗南三星 為衡月五星守犯者如衡占內平四星在中台南耀 欲小而黄明則吉移徙則國人流逆東西角張而振 雨怒為風亂為霧凝為霜散為露聚為雲立為虹蜺 卷二百七十九

十七星距大星去極七十五度入張宿二度 **歳大豐不明則儉不見則人相食** 中興天文志石氏云中宫黃帝其精黃龍為軒轅首 星距北星去極九十五度入星宿六度 四星距西星去極五十二度入張宿六度 兩朝天文志星七星距大星去極九十六度 距大星去極一百三十七度入柳宿十三度 上天百号 天稷五星

星之南主農正也取乎百穀之長以為其號明大則

飲定四庫全書 雀奮翼於前靈龜圈谷於後黃龍軒轅於中則是軒 轅一星與奢龍白虎朱雀元武四獸為五矣世之言 六十按張衡靈憲著龍連蜷於左白虎猛據於右朱 枕星張尾掛柳井體映三台司四季司中嶽司中土 星者惟知四獸而不知黃龍是求之未盡也益康曰 司黄河江漢淮濟之水司黃帝之子孫司保蟲三百 軒轅為權太微為衡以軒轅一曰權星故為權太微 垣主理法平詞如衡之平故曰衡史記正義謂權四

急不曰權也难字從火誤為權字張守節不審指以 釋此殊為踈繆 有黄帝而後有之乎吕氏曰軒轅之星黃龍也两角 仲造父皆星名亦其神降而為人人去而復為星也 又曰或謂自有就象便有此星軒轅果黃帝之神也 之故自號曰軒轅云爾號軒轅非名也且如王良奚 有軒轅之象故名之曰軒轅軒轅降神而生黃帝知 文默通考

星在軒轅尾西非也軒轅西四曰耀星主烽火備幣

何獨於軒轅疑之 宿所謂青龍朱烏元武白虎者分而為五而以為 朱鳥七宿之所司也三垣中外官諸星雖所掌有 按軒轅本天市垣之星而在張宿之分野則南方 土徳寄王鷄火夫五行之不可缺土土之寄王固 天文志據石氏星書以黃龍軒棘配四方二十八 二十八宿分布周天之躔度分野不可外也中興 小大其位有尊卑而未有不隸於二十八宿者盖

新庆四届在 ·

卷二百七十九

方長垣少微雖向上星數歌在太微傍天尊一星直上 钦定日車至書 一 張六星似較在星傍張下只是有天廟十四之星冊四 南河四瀆水位諸星皆為軒轅之屬按耀以下諸 然矣遂以為难積水積新五諸侯天樽闕丘北河 為驅度分野以處諸星乎 **轅而以諸星屬之則軒轅豈能外二十八宿而自** 星與軒轅亦俱寄躔於二十八宿者也今欲尊軒 文獻通考 季八

志云主珍寶宗廟所用及衣服又主天厨飲食賞费 中道若明大國則越強失色宗廟不安明堂官發情 物色細無光王者少子孫日食虧修禮也月食大湯 張十七度甘氏云主天廟明堂御史之位上為天之 曰天廟天子祖廟也容星守之祠官有憂其占與虚 魚行人道火字犯兵起工水犯國不寧張南十四星 天下有逆人就聚有兵金火守之有兵起或云主貢 之事星明則王者行五禮得天之中動則賞資雜徒

士舉月五星犯守之處士女主憂宰相易 两朝天文志張六星距西第二星去極一百二度半 議士第三星為隱士第四星為大夫明大而黄則賢 博士官一日主衛掖門南第一星為處士第二星為 南北列士大夫之位也一名處士亦天子副主或曰 梁同長垣四星在少機南主界域及胡夷火守之胡 人入中國太白入之九卿謀反少機四星在太微西 天廟十四星距西北星去極一百十三度半入柳

文獻通考

張更有六星在何處三三相連張畔附必若不能分慮 翼二十二星太難識上五下五横著行中心六箇恰似 所更請向前看記取五箇黑星異下頭欲知名字是東 翼十九度甘氏云主太微三公化道文籍失色則民 半入張宿十五度半 宿十三度 宿十四度 少微四星距東南大星去極六十五度 長垣四星距南星去極七十六度入張 卷二百七十九

衡云主東越穿曾越三夷金火守之其地有兵芒角 星字流容犯大凶東甌五星在翼之南蠻夷星也張 明則禮樂與暗則政教失日食臣僭月食婦人憂五 興四夷來賓動則蠻夷使來離徙則天子舉兵或云 文献通考

流日月交食五星並逆芒動則化道不行文籍壊滅

動移則三公廢明大則化成隋志云異為天之樂府

主体倡戲樂又主夷狄遠客負海之賓明大則禮樂

官黃道向二看取是 子青丘之下名器府器府之星三十二以上便為太微 星軍門兩黃近翼是門下四箇土司空門東七烏青丘 較四星似張翼相近中央一箇長沙子左轄右轄附兩 張宿七度 四度 東甌五星距西南星去極一百二十九度入 兩朝天文志翼二十二星距中央西第二星去極百 較十七度甘氏云軫七星主將軍樂府歌謹之事五 卷二百七十九

大則車騎備一云搖則車騎動隋志云主載任有軍 云較為家室輔臣也主車騎明大則車騎用一云明 於百日內若明大則天下昌萬民康四海歸王張衛 星犯之失位亡國女子主政人失業賊黨掠人禍生 軫轄舉南蠻侵張衛云轄不見國有大憂長沙一星 離徙天子憂就聚兵大起軫轄星附軫兩傍主王侯 出入皆占於較又主死丧明則車駕備動則車騎用 右轄為王者同姓左轄為異姓星明兵大起遠軫凶 文獻通考

在較之中主壽命也長沙明則人壽長子孫威軍門 織隋志云一曰司徒主界城青立七黑星在軫東南 主東方三韓之國占與東風同較南三十二星曰器 兩朝天文志軫四星距西北星去極一百三度半 府主樂器之屬也明則樂器調理暗則有咎 主土功巫咸氏云金火犯之天下田不得耕女不得 旗占以移其處為道不通土司空四黃星在軍門南 二黄星在青丘西天子六軍之門也主營候豹尾威 卷二百七十九 飲定四庫全書 中興天文志總論日甘石巫咸三家後代所宗也顧 七度半入異宿八度半 宿五度 器府三十二星距西北星去極一百三十 司空四星距南星去極一百二十度入異宿十四度 轄星去極一百一度半入軫宿五度 西南星去極一百一十二度半入異宿十三度 右轄星去極一百一十度半入異宿十六度半 青丘七星距西北星去極一百二十四度半入較 軍門二星距 かこ

或不深考以故三垣大角之列衛二十八合內官外 官之分隸不無異同今於三家麥諸說考定二百九

者有以二三十星為一座者有相為比附者有相比 十座所以不知者闕如也盖諸星有以一星為一座 而不附者杠附華盖凡十八星為一座衡附庫樓凡

二十九星為一座也鉞不附井耳不附畢糠不附算

長沙不附較鈎鈴鍵閉不附房則以屬吏自為官故

也矢得以附弧白不得以附杵以弧矢一人司之杆

刻故曰大辰心在中最明時刻主馬玄楊亦曰天意 堪是也見左氏的十七年孫炎曰龍星明者以為 時 辰水星為辰參為大辰而大火亦曰大辰宋大辰之 稱名取類傳記錯見則又有不可概舉者北極為北 附天船積尸不附大陵天護不附卷舌咸池天潢三 南門不附庫樓南門不但為庫樓門也他如積水不 白二人司之故也野鷄不附軍市鷄自守其所司也 不附五車石氏甘氏皆有其辨不可臆說也若夫 文洪風多

金皮匹库全書 一 郭璞曰角九下繫於氏猶木之有根國語曰天根見 後故俱以都為言也氏謂之天根見爾雅天根氏也 曰人妻子為帑鳥尾曰帮妻子為人後鳥尾亦鳥之 旅於明年之次以害鳥於注南為朱鳥鳥尾曰於疏 也見襄十八年疏豕韋亦名姬訾也熟尾亦曰鳥谷 年疏天黿玄楊别名也椒些亦曰豕章歲在豕章是 星在天黿是也見國語武王代商星在天黿的十九 以害鳥都是也見襄二十八年神竈曰歲棄其次而 参二百七十九

定正也作官室以營室中為正詩定之方中作于楚 官那謂之留見史記索隱曰留即也而毛傳亦以留 殊斗井度視諸舎為澗參僅一度古昏旦至觀於建 极反見襄九年味為鶉火疏曰柳謂之味味爲口也] 為界也畢謂之濁見爾雅濁謂之畢也柳謂之味丁 若斯名類防於堯典詳於爾雅左氏國語諸書而所 入之度則未悉也若夫二十八舍諸言度分亦或差 文獻通考

而水涸也室謂之定見爾雅云營室謂之定郭璞曰

金定四庫在書 為定亦由所見而莫著其度近世王奕所述十二次 二十八度有可考馬 屬較其為異同大概者此盖自唐開元中一行所 内外官之分隸不無異同今按歷代天文志惟宋 屬角庫樓十星丹元子以為屬角而兩朝志以為 按史志言三家所考三垣大角之列衛二十八舎| 兩朝及中與志與隋丹元子步天歌能言諸星之 分隸然大角一星兩朝志以為屬亢中興志以為 卷二百七十九

大三日 · 白 · 中渾儀所測又與唐異所争或一二度或三五度 野反在南方則其理有不可究結者當俟知星者 其分野及在北方北斗天極在張宿十度則其分 有以訂其是非也至如南斗六星即斗牛之斗則 以管窺天豈能無誤於是此以為軫彼以為角甲 不過三五度間耳天道幽遠術家各持一說固未 以為氏乙以為房所差者常在裨鄰之次舎則亦 大歌通考 六十五

造渾儀其所測宿度已與舊經異而宋太平與國

一十八宿度 中與天文志王英按自古言天者皆曰周天三百六 而質之

月ること

卷二百七十九

十五度四分度之一何從而知審也曰天本無度因 日之行一晝夜所羅潤狹強名曰度盖日之行也三 百六十五日之外又行四分日之一以一年而周於

分度之一范蔚宗謂日之所行在天成度在歷成日

天馬以一日所行為一度故分為三百六十五度四

飲定四庫全書 度於二十八宿用以紀日月所驅而已盖天之有度 也九州列縣各有其里則人之行於地也禁日至某 孟春在某星幾度仲春在某星幾度日曜可得而名 所占之里也二十八宿各有其度則日之行於天也 也猶地之有里也二十八宿所分之度猶九州列縣 分為三百六十五度然其度難别也故作歷者隸其 是也曰天固有其度而二十八宿亦各有度何從而 定之一也曰二十八宿亦未始有度也天體冲漢雖 文獻通考 ナ

之所羅或多或寡適當其星者凡二十八故度之多 偶與此宿相當此濶狹於是分也故說渾天者曰日 由起也曰二十八宿之度或潤狹何也曰日之所躔 閣族非舉一宿全體盡占此度也南斗六星也舉全! 日而其星適與相當故其度不得不來也夫其得度 故其度不得不潤皆鬼之傍非無星也然日躔一二 寡於是生馬并斗之舎非無星也然不與日雖相當 州幾里其日至某縣幾里驛可得而計也此星度所

斗虚二星也舉全體言之合距北星為度而今歷家 二星為度今歷家距中二星為度而西二星則入於 星當度故奉牛距魁而得六度虚二星之中北一星 二十六度牽牛六星之中西星不當日之度而中一 距南星為度北星則入於牽牛盖南斗六星之中杓 杓二星則入於箕牽牛六星也舉全體言之合距西 二星不當日之度而魁第四星當度故距於魁而得 文天通号

體言之合距村星為度而今歷家距魁第四星為度

新定匹庫全書 | 半又奎誤距以西大星故壁損二度奎增二度今復 今測在頂女九度危北星舊圖入危今測在虚六度 宿本有其度又見其宿得幾度遂謂舉一宿全體在 古之造歷假設是法以步日躔或者不察謂二十八 今復用第三星張中央四星為朱鳥嗉外二星為翼 距西南大星即奎壁各得本度又柳誤距以第四星 馬則又非矣又按唐志一行所謂虚北星舊圖入虚 不當日之度而南一星當度故虚距南星而得十度 卷二百七十九

一尺八日 自 4 二 文献通考 赤道不等即復以當度星為宿惟虚度未有奇數自 半今復以膺為距則七星張合得半度吳興沈氏曰 北距以翼而不距以膺故張增二度半七星減二<u>度</u> 法推黄道有不合度者盖黄道有斜有直故度數與 儀度距跳器不等耳凡二十八宿度數皆以赤道為 每或改變如唐書測得畢有十七度半觜只有半度 之類皆緣說也星既不當度自不當為宿次自是渾 二十八宿為二十八星當度故立以為宿前世測候

是日之餘分歷家取於斗分者此也餘宿則不然 長問子二十八宿多者三十三度少者止一度如 沈氏筆談曰予編校昭文書時預詳定渾天儀官 之所行一者當者止二十八宿星而已當度調車棒 其數乃以日所行分天為三百六十五度有奇平 然後可窥而數於是以度度之星記之循黃道日 此不均何也予對曰天事本無度推歷者無以寓 春天故以一日為一度也 既分之必有物記之行三百六十五日有餘而一既分之必有物記之


钦 定 四車全書 **說簡而當故不嫌並著之云** 有此而已 按中興志所載王奕之說即沈括之說也王沈二 公不知其孰先孰後孰倡孰襲然王説詳而明沈 度星者是也非不欲均也黃道所由當度之星止 文獻通考 上十九

有八謂之合

舍所以挈度所以生數也今所謂星馬當度之畫者凡二十分所謂所謂度不可見可見者星也日月故車盖二十八方以第二二八月

ニ十八宿

					í
文獻通考卷二百七十九					1
闹诵					,
考					
卷					j
云					•
キ					老
十九九					老二百七十九
					ナ ナカ
			:		
				•	



腾録監生臣王應嬖校對官修撰臣張書熟